

Mensajis prinsipal pa kumunidadi sobri prujétu New Bedford / Acushnet di Eversource

Un prujétu di midjoraméntu anbiental y sirvisu di Eversource sa ta ben rializadu na bu ária y é kel-li ki sa ta ben kontise

- Eversource sta pa rializa un prujétu di manutenson ki ta ben traze binifísius anbiental y di inerja pa zónas di New Bedford y Acushnet.
- Nu sa ta ben substitui linhas di transmison ilétriku entri substason di Acushnet na Beech Street y substason di Pine Street na skina di McArthur Drive, na New Bedford. É un trabadju di substituison di serka di 4 milha ki ta ben dura serka di dos anu pa faze.
- Es trabadju di midjoraméntu ta faze párti di nos trabadju permanenti di manutenson y atualizason di rédi ilétriku na kes kumunidadi ki nu ta sirbi.
- Es prujétu ta ben substitui kes linha ilétriku subterániu ki foi instaladu entri dékadas di 1940 y 1950, ku teknolujia nóvu y bastanti midjoradu di kabus.
- Kes nóvu kabu ten txeu binifísiu, inkluindu:
 - Midjora fornesiméntu di iletrisidadi y se stabilidadi pa moradoris, stabelesiméntus kumersial y instituisions kumunitáriu.
 - Riduzi inpaktu anbiental negativu ki pode ser kauzadu pa kes kabu antigüa ki sta la gósi.
 - Bira más fásil, más rápido y ménus inkonvinienti pa atxa y rizolve prublémas ki pode afeta sirvisu ki nu ta oferece nos klientis.

Eversource sta inpenhadu na minimiza interupsons pa moradoris, stabelesiméntus kumersial y instituisions kumunitáriu másimu pusível

- Nu ta ben utiliza kel róta di kabus ki dja sta la, na midida di pusível, pa mante skavason na kel mínimu nisisáriu.
- Sénpri ki pusível, nu ta ben adapta róta di trabadju, pa satisfaze nisisidadis di kumunidadi.
- Nu ta ben trabadja ku spesialistas pa kria planus di jeston di tránzitu y trabadja di pértu ku fornesedoris di transpórti públiku y skolar, pa garanti ma moradoris ta txiga na trabadju, skóla, lójas, atividadis rilijiozu y susial, konsultas, y otus distinu na óra.

Módi ki Eversource ta ben informá-bu sobri kuzê ki sa ta pasa y obi kel ki bu ten pa fla

- Nu ta ben trabadja di pértu ku moradoris, stabelesiméntus kumersial lokal, organizasons rilijiozu y kumunitáriu, y líders di sidadi, pa fornese kumunikasons proativu, transparenti y na óra duranti tudu ténpu di prujétu.

- Nu piskiza nisisidadis úniku di kumunidadi na ária di prujétu, y nu dizenvolve feraméntas di kumunikason ki ta ben sirbi midjor moradoris, stabelesiméntus kumersial lokal, organizasons rilijiozu y kumunitáriu duranti prujétu.
- Nu ta ben fika ta kumunika ku kes afetadu pa prujétu, másimu pusível. Nu kre obi moradoris, stabelesiméntus kumersial lokal y organizasons kumunitáriu, pa nu sabe ki priokupasons ki nhos ten y módi ki prujétu ta afeta-nhos, y nu ta ben sertifika ma nhos vós ta obidu.
- Nu ta ben kumunika atravês di:
 - Riunions públiku antis di konstruson.
 - Kartas ku informason atualizadu pa moradoris, stabelesiméntus kumersial y organizasons kumunitáriu na ária di prujétu.
 - Manda email ku atualizasons di prujétu pa kenza ki inskreve.
 - Un pájina na internéti ku kes informason más risenti sobri prujétu.
 - Un linha di ajuda – 1-800-793-2202
 - Un inderésu di email pa perguntas ô priokupasons – projectinfo@eversource.com
 - Matirial sima sítiu na internéti (website), fixas di informason y mapas ta sta na várius di kes língua ki ta papiadu na kes kumunidadi undi ki prujétu sa ta rializadu, inkluidu Inglês, Purtugês di Brazil, Purtugês di Portugal, Kriolu di Kabu Verdi, Spanhol y K'iche'.